



Mariia Simonsen  
Inuit Ataqaatigiit sinnerlugit Inatsisartuni ilaasortaq

### § 37 nr. 126/2021 pillugu akissuteqaat

20-09-2021  
Sags nr. 2021 - 16393  
Akt nr. 17943262

Asasara Mariia Simonsen

Postboks 1160  
Tlf: 34 50 00  
Fax: 34 55 05  
3900 Nuuk

Inatsisartut suleriaasianni § 37, imm. 1 naapertorlugu Naalakkersuisunut apeqqutinik saqqummiussaqaarputit. Naalakkersuisut apeqqutigineqartunut qujapput, taakkulu tullinguuttuni issuarneqarput akineqarlutillu akissutillu kingulianniittut atuarneqarsinnaapput.

Email: [pn@naaq.gl](mailto:pn@naaq.gl)  
[www.naalakkersuisut.gl](http://www.naalakkersuisut.gl)

1. 2019-mi ukiakkut ataatsimiinnermi imm. 128 & 134 Naalakkersuisunut suliaakiutigineqarlutik akuersissutigineqartut Naalakkersuisunit ingerlateqqinniarnepat?

#### Akissut:

Aap.

2. *Cannabisimik nioqqutissiat THC-mik annerpaamik 0,2 procentimik akullit, cannabisolia ilanngullugu, nunatsinni inerteqqutaajunnaarsinneqarnissaat Naalakkersuisunit naatsorsuutigineqarpa?*

#### Akissut:

Inatsisartut aalajangigaat naapertorlugu, Naalakkersuisut Inatsisartuni siunnersuummik saqqummiussinissaat sulissutigaat.

Naalakkersuisut Inatsisartuni ilaasortat ataasiakkaat siunnersuummut qanoq isummersusanersut annerusumik ilisimasaqarfiginngilaat. Taamaattumik Naalakkersuisut siunnersuut akuerineqassanersoq cannabisimillu nioqqutissat THC-mik annerpaamik 0,2 procentimik akullit nunatsinni inerteqqutaajunnaassanersut nalilersinnaanngilaat.

3. *Danmarkimi misileraanertut ittumik, tassalu nakorsat immikkut akuersissummik piniaqqaaratik cannabisimik nakorsaattit akuerisaanngitsumik nakorsaasiinnaatillugit misileraasoqarnissaa qaqugu piviusunngortinneqarsinnaassasoq Naalakkersuisunit naatsorsuutigineqarpa?*

#### Akissut:

Kalaallit Nunaanni aamma Danmarkimi peqqinnissaqarfik arlalitsigut assigiinngissuteqarput, tamannalu kinguneraa periutsit danskinut assingusumut toqqaannaq atorneqarnissaanut periarfissaanngitsoq.


Naalakkersuisut misileraanermut periarfissat suli qulaajarpaat, maannamulli ilisimannngilaat, nunatsinni taamatut qaqugu ingerlatsisoqarsinnaanersoq.

4. Tassunga tunngasumik allamik Naalackersuisut ilisimasaqarpat?

**Akissut:**

Naalackersuisut matumani ukiakkut ataatsimiinnermi (UKA2021) misileraanissaq pillugu naatsunnguamik nalunaarusiamik agguaassapput, tassani nakorsat ataasiakkaat cannabissinik, nakorsaatitut akuerineqarsimanngitsunik, tunniussinissaminut periarfissaasinnaasut qulaajarneqarput.

Inussiarnersumik Inuulluaqqusillunga



Kirsten Fencker